

КОЛХОЗ ВУСЫ

ВКП(б)-лэн
Зуринской
райкомезлэн но
райсполкомлэн
органзы

Сельской школаослэн выль задачаоссы

Несколько ар талесь азьло основной типен сельской местностьын начальной школаос вал, али соосты средней но неполно-средней школаос заменять каро.

Куиньметй Сталинской пятителка кустын полностью луоз осуществить каремын сельской местностьын всеобщей семилетней дышетскон но значительно будозы дас ар'ем средней школаос.

Тыросаз сельской школаосын образовательной но воспитательной ужзы социалистической сельской хозяйстволэн насущной вопрос'ёсызлесь оторвать каремын. Сельской школа дышетскись пинал'ёсты урод тодматскытылэ на биологиен сельскохозяйственной растениосын но животноводствон, агрономилэн научной валэктэмез'я, механизацилэн проблемаосыныз но сельской хозяйстволэн химизациеныз, колхозной учетэн, но муз'ем вылын измерительной уж'ёсын, школа ас ужаз сельской хозяйствотоысь передовик'ёслэсь достижениеосэс использовать уг кары на. Чем дыр'я дышетскись сельской школаосысь ас районьсытызы самой умой колхозник'ёсты, стахановец'ёсты уг тодо, солэсь достижениеосэ уг изучать каро.

Та недостаток'ёсты быдтон понна сельской учительслэн но ронолэн неотложной задаказы луэ. Дышетскисьёслы наукалэсь основазэ сётыса, коммунизм духен воспитать карыса, сельской школа дышетскисьёсты должен дасяны творческой колхозной уже. Сельской средней школаез быдтыса соос быгатозы но султоно луозы азыланьын ценнейшой кадр'ёсын, кудиз способноеьс луозы колхозлэсь ужзэ азыпала нуыны. РСФСР-лэн Наркомпро-

сэзлэн коллегиезлэн постановлениез отысен исходить каре сельской школалэсь ужзэ умоятон сярысь.

Туэ арын вань сельской средней но неполносредней школаосын вводится карисько обязательной практической занятиос но сельской хозяйствоя экскурсиос. 5-тй классын ботаника преподаваться кариське менчощ пришкольной участокын практической уж ортытоно „Жизнь растения“ раздел'я (кизем муз'емез дасян, подкормкалэн влияниез, свет, яровизация сярысь). 6-тй классын растенилэсь систематиказэ дышетскеменчощ необходимо практической уж ортытоно, овощной технической, садовой но мукет сельскохозяйственной культураос сярысь. 7-тй классын зоология преподавать каронэн чощ сельскохозяйственной вредительёсын нюр'яськон, молодняк'ёсыз—чуньыосыз, кролик'ёсыз утылтон сярысь практической занятиос ортытоно. 7-тй классын дышетскисьёс животноводческой колхозной фермаосы экскурсиос лэсьтылозы. 8-тй классын химиен урок'ёс'я практической занятиосын герзаськозы удобрениосыз изучать каронэн. 9-тй классын дарвинизмлэн основаеныз дышетскемен чощ практической занятиосын учкиське селекцилэн элементарной основаосыныз тодматскон.

Математикаен преподавать карыку дышетскисьёсты тодматскытоно площадьёсты измерять карон приём'ёсын, дышетскисьёсты дышетоно жог устно лыд'яны, счетэн пользоваться кариськыны, задачаосты решать карылоно колхозной учет, материалёс но колхозной счетоводствоос вылын.

Дышетскисьёсын необходимо вёлмытоно внеклассной кружковой уж'ёсты. РСФСР лэн Наркомпросэз

рекоменловать каре кылдытыны котькыче пёртэм кружок'ёсты: сельской хозяйстволэсь опытник'ёссэ но юнной натуралист'ёсты, (биолог'ёсты, садоводствоез, овощеводствоез, птицеводствоез, кролиководствоез яратисьёсты). Молодняк'ёсын шефствовать карон кружок'ёс, машинаосыз но двигательёсыз, тракторез, автомобилез, комбайнэз изучать карон кружок'ёс.

Тросэз сельской школаос опыт иметь каро юнной натуралист'ёс кружок'ёсты кылдытонын. Тачеесь умой кружок'ёслэсь опытсэс возматэмын Москваын Всесоюзной сельскохозяйственной выставкаын.

Со понна, чтобы действительно сельской школаез берыктыны колхозной производствон но сельской хозяйствэ пумитэ необходимо кулэ ортытыны агрономической подготовка учительской кадр'ёсын. Бадзым роль шудозы учительской экскурсиос, куд'ёсыз кылдытэмын луозы район'ёсысь умой колхоз'ёсын но совхоз'ёсын.

Районолэн обязанногез вань средней школаосы кылдытыны пришкольной участок'ёс (0,5 га), Та арын соосты кулэ ни кенераны, гырыны но посадочной материалэн снабдить карыны. Та обеспечить кароз базаен школьник'ёслы практической уж понна.

Сельской шкопалэн ужаз кудиз воштыськон'ёс вносить кариськемын соос бадзым значение иметь каро азыланьын учебной но воспитательной ужез жутонын, школаосты дасяны полноценной, активной участник'ёсыз социалистической строительствоын.

РСФСР-лэн просвещениезлэн народной комиссарезлэн заместителез **М. Сырчева.**

Аранзэс быдэстйзы

Сенож. Р-Кожей колхозын 22-тй августэ вань зерновой но технической культураос'я аранзэс умой качествоен ыштон'ёстэк быдэстйзы. Али соос культу люкан бордын ужало.

Шкляев.

Здоровой синэз трахомаен лыд'я

Зура больницаын Булдакова трахоматозной сестра луыса ужа. Со аслэсьтыз ужзэ умой уг тоды. Райздрав солэсь ужзэ умой-умой өз эскеры. Булдакова со ужын чик соответствовать уг кары. Кылярысь, 18-тй августэ мон больницае со трахоматозной сестра дине синме эскерыны пырай, нош Булдакова прижигать карылыны назначить кариз. Синме прижигать карон понна больницае ветлыны справка сётйз.

Нош 20 августэ мынй переучетын мынясьтым синме врач здоровоен признать кариз. Вопрос спорной луиз. 21-тй августэ та вопросэз уточнить карыны понна нимысь больницае мынй, Булдакова доры пыри. Со мынысьтым синме прижигать карыса өз вуы солэн кабинетаз трахинструктор Вахрушева пырыса солы вераз „Талэн син'ёсыз здоровоеь“ шуыса. Тйни кызы Булдакова аслэсьтыз ужзэ тодытэк ужа. Озы ужаса со куд-огзэ синтэм но карылоз. Соин ик мон Райздравез курыско солэсь ужзэ умой эскерыны но солы уж определить карыны.

Н. А. Корепанов.

50 процентсэ гинэ ужам дунзэ гожто

Зура. Турел колхозын колхозлэн правлениез кудогезлы колхозник'ёслы 50 процент сяня трудовень уг гож'я. Зег кизёнын сеялка борлы юрттыны понэмын вал допризывник'ёс М. Максимов но М. Корепанов. Соос отысен больницае лечиться кариськыны ветлылызы. Сеялкаен кизённый 4 гектар ми кизылым, трудовень лыд'яса гожтоно вал 1,25 а гожтылызы 0,65 гинэ. **Максимов.**

Бусы ужысь азымынйсьёс

Сеп. Квардавозь колхозысь Д. С. Иванов гыроньн нормазэ 0,80 га интые 1,08-1,10 га тырмыт'яллыз. Иванов эш али государстволы ю-тысь ворттонын старшой луыса ужа. Ваньзэ со 92 центнер сдать кариз ни.

Умой ужамез понна сое колхозлэн правлениез 30 манет коньдонэн премировать кариз. Н. Ф. Хохрякова зег аранын 0,15 сотых интые 0,20-0,23 га тырмыт'я. Культо керттылысьёс К. К. Агафонова, М. Ф. Агафо-

нова 550 интые 1000 культо керттыло. Колхозын 11 мурт стахановец'ёс лыд'ясько. Соос ваньзы колхозной производстволы умой относиться карисько

Ворсичкин.

Комбайнэн ужан чидантэм ляб мынэ

Зура МТС ноказыы ик асужаз өз быгаты берытскыны. ВКП(б) - лэн Центральной Комитетэзлэн но СССР-лэн Народной Комиссар'ёсызлэн Советсылэн постановленизы косэ паськыт мобилизовать карыны колхозник'ёсты, МТС-ёслэсь, совхоз'ёслэсь но заготовительной аппаратлэсь ужасьёссэс октон-калтон уж'ёсты дыраз орчтыны но сельхозпродуктаосыз сдать каронэз правительствоен тутатэм срок'ёсы.

Та постановление Зура МТС-эн уж вылын ноказыы но уг быдэсмы. Комбайнер'ёс нормазэс уг быдэс'яло. Тани комбайнер Корепанов котькуд нуналэ 12 гектар убрать карем интые со быдэс'я 7-8 гектар гинэ.

Кык валысь 24 га интые 14-16 гектар гинэ сёто, 13 августлы кык комбайнэн 79 гектар гинэ арамын ни, нуналаз ужало 5-6 час гинэ. Комбайнлэн ожит ужамезлэн причинаез со МТС-лэн кивалт'ёсыз уборкалы өз дасяське, соин ик машина частьёс но өвөл, тракторлэн магнетоез уг ужа, ускорителез пöсьтэмын.

МТС-лэн директорез Ложкин уг эскерылы, бригадаосы уг вуылы. Бригадаосын ноқыче валэктон уж уг мыны, стенгазетаос уг ужало, организовать но карымтэ. ВКП(б) райкомен комбайн'ёс бордын нимысь политрук'ёс юматылэмын, ноштатысь комбайнер'ёс политрукез өз на но адзылэ. Шкляев,

Уборкаен руководить уг каро

Тюптевской сельсоветысь Заякино колхозысь бригадир А. С. Борисов ас колхозаз ю октон-калтонэн уг кивалты. Колхозной производстволы халатно относиться кариське. Со колхозник'ёслэсь нуналаз ужам участок'ёссэ уг мерта, август толзэе трудоводной колхозник'ёслэн трудовой книжкаосазы отмечать карымтэ на. Колхозник'ёсын ноқыче беседаос уг орчтыалля. Луд вылтй уг ветлы, колхозник'ёс жытазе

ужысьтызы бергыса солэн укноулаз, валляла помещик'лэн музэн, колхозник'ёс очереден султуса ассэос кöня ужамзэс верало но соослэн верамзы'я трудоводень гожд'я.

Тазы Борисовлэн ужаменыз трудовой дисциплина но колхозын куашкатэмын. Та колхозын ю октон-калтон туж бере кылемын. Та нуналозь етйн ичкон быдтымтэ на, нош сезы 3 гектар гинэ арамын на.

Верещагин.

Лодыр'ёсын но дезорганизатор'ёсын уг нюр'ясько

Котькуд колхозлэн но колхозницалэн задачасы колхозной ужын добросовестно относиться кариськон но нуналлы тутатэм нормаез быдэс'ян. Со пonna трудсвой дисциплинаез но тутатэм распорядокез соблюдать карыны кулэ. Нош „Гражданка“ колхозын та мероприятиос уж вылын уг быдэс'ясько. Татын урод пунктэмын колхозной дисциплина колхозник'ёс пöлын. Ужаны бер пото, колхозлэн правлениез лодыр'ёслы но прогульщик'ёслы потворствовать каре, кудиз стараться карисько колхозлэсь тыросгес басыны, нош колхозлы ичигем сётыны. Кылсярысь, 18 тй августэ одйгетй бригадаысь Шкляев самосброкаен одйг стороназэ гинэ араз но малпаз вал 2 гектар пonna полной норма гождозы шуыса, өз но дырты аранын. Уполномоченной Шкляев соин вераськиз но соку ик кык сторо-

наен араны кутскиз, машинаез но умой араны кутскиз. Озы ке но со нормаез уг быдэс'я. 5-6 гектар интые 3 гектар гинэ сёто. Озы ик Стрелков но нормаез уг быдэс'я, умой жнейкаен куинь нуналлы 0,75 га гинэ араз, собере кышноеныз чошен прогуллэсьтызы.

Колхозын сыче дисциплина луэмен али но зегаранзы ваньна на, кудйз жыныез кичкиз ни муз'ем вылэ. Озы но куд-огез колхозник'ёс но колхозницаос эмезяса ветло. Таний 18-тй августэ Корепанова Соломида но Корепанова Анна эмезяны ветлызы. Нош колхоз правление ноқыче меры принять уг кары. Таچه лодыр'ёслэсь колхозной производствосы дезорганизатор'ёслэсь мозмытсконо. Соку гинэ колхозын дисциплина юмалоз но уж умой мыноз.

Госбанкысь
Тронин.

Белорусской ССР-ысь Августовын азыло офицерской яхт-клубын трудящейёс пonna санатория усьтиськиз.



Санаторилэн главной зданиез.

Каркашур колхоз ю октон-калтонэн бере кыле

Районысьтымы азь мынись колхоз'ёс музэн ик Каркашур колхозлэн но вань котькыче условиосыз октон-калтонэз но сельхоз-продуктаосты государстволы сдать каронэз дыраз быдэстыны. Озы ке но та колхоз чидантэм бере кыле. Туннэ нуналлы зерновоёсты октон-калтон быдэстэмын өвөл, государстволы ю-тысь нуонэз но ляб мынэ. Ужлэн ляб мынэмезлэн основной причинаез со, что бригадир'ёс бездействовать каро. Соос ас колхозысьтызы ужасьёсыслэсь ужэс учитывать уг каро, ужам ужзэс уг мерталляло. Бусыостй ветлэм интые бригадир'ёс кöлыса уло. Кылсярысь, депутат — бригадир Сунцов 19-тй августэ лумбыт красной углокын кöлыса улйз. Трудоводень начислять карон переченез пол вылын кыстакыса улэ. Трудовой книжкаазы колхозник'ёслы июль толэзылы гинэ отмечать каремын, нош август толэзылы отмечать карымтэ на.

Бригадир'ёслэн бездействовать каременызы, трос дыр'я машинаос уже уг кутисько. Таний 20-тй августэ бригадир Сунцов таچه шулдыр но пöсь нунал'ёсы, жнейка урод ужа шуыса, жнейка борды вал өз сёты. Со жнейка лумбыт ара-тэк сылиз. Сунцовлы колхозлэн председателез маке вера ке внимание но обратит уг кары, ялам аслэсьтыз ужзэ лэсьтэ.

Стрелков.

Китайын военной действоос

21 августэ японской авиацилэн 4 отряд'ёсыз бомбардировать каризы Чунцинлэн запад палысьтыз кöня ке пункт'ёсты. Чунцинын воздушной тревога ялыса, со кык час кыстиськиз. Нош японской бомбардировщик'ёс город сёрти котырскыса кошкызы.

Китайской источник'ёсысь басытэм сведениос'я японской авиациен 20 августэ Чунцин вылэ налет лэсьтон дыр'я китайской зенитной артиллерия 4 японской бомбардировщик'ёсты уськытйз.

21 августэ. (ТАСС).

Японской самолет'ёс Чунцинэз бомбардировать каризы

Чунцин, 21 августэ. (ТАСС). 20 августэ 98 японской самолет'ёс куинь группалы люкиськыса, нош ик бомбардировать каризы Чунцинэз. Городлэн торговой но деловой люкетаз трос зажигательной бомбас куямын вал. Сутско бадзымесь магазин'ёс, ресторан'ёс, гостинницаос. Дасо сюрс'ёсын улйсь номыртэк кылыса, юрттэт витыса, ульчаосын пуко. Туж бер жытозь ик город вылэ чын лöс'яськыса улэ.

Бомбардировкаен из'янымыны шедизы озы ик иностранной учреждениос но духовной миссиос. Быдэсак куашкатэмын Канадской духовной миссилэн гостинницаез. Трос мурт бырыны шедемын.

Отв. редактор КНЯЗЕВА. Поттйсь Райсполком

Я Л О Н

Сарапулысь механизация сельскохозийственной школа набор орчтытэ. Комбайнер'ёсты, МТС-ёсы механик'ёсты, тракторист'ёсты, бригадир'ёсты ЧТЗ — 60, СТЗ, НАТИ но газогенераторсий трактор'ёсын ужаны.

Механиклэн курсызы кутисько, кудйз ужамын МТС-ын, механикын, бригадирын, комбайнерын яке кык арлэсь ожит медам луы гусеничной тракторын ужам опыттэз.

Бригадир'ёслэн курсыз: бригадир'ёс, тракторист'ёс, комбайнер'ёс кудйз кык ар иметь каре гусеничной тракторен ужан опыт. Комбайнер'ёслэн курсыз: комбайнер'ёс, штурвальнойын ужасьёс но азымынись колхозник'ёс.

Гусеничной трактор'ёслэн курсыз: СТЗ но У-2 тракторын ужась тракторист'ёс. Механик'ёслэн но бригадир'ёслэн курсызы заявлениос кутисько 15-тй, сентябрьозь, нош комбайнер'ёслэн но тракторист'ёслэн курсызы одйгетй октябрьозь.

Куриськон борды таچه документ'ёс кулэ: МТС-лэсь командировочной удостоверениез, тазылык сярись справка, ужан интылык характеристика но паспорт. Шконалэн директорез ОЖЕГОВ.